



Халқ сўзи

Ўзбекистон —
келажаги
буюк
давлат


1991 йил 1 январдан чиқа бошлаган

E-mail: xalksuzi@uzpak.uz

2003 йил 22 март, №65 (3177)

Шанба

НАВРЎЗ — УЙҒОНИШ ВА ЯНГИЛАНИШ РАМЗИ



Президент Ислам Каримовнинг Наврўз байрамига бағишланган тантанали маросимдаги табрик сўзи

Ассалому алайкум, азиз ватандошлар! Муҳтарам меҳмонлар! Бугун ўлкамизда кутлуг айём.

Баҳор нафаси, янгиланиш, уйғониш руҳи тобора кучайиб, юртимизга кириб келмоқда. Бугун гўзал водий ва воҳаларимизда, шаҳар ва қишлоқларимизда ёшувари — барча юртдошларимиз доимо орзиқиб кутадиган Наврўзи оламга пешвоз чиқмоқда.

Бугун халқимиз ўзининг эркин ва озод ҳаётида Наврўз айёмини ўн иккинчи бор шоду хуррамлик билан байрам қилмоқда. Ушбу байрам тонгида мен мана шу муҳташам саройда жамулам бўлиб ўтирган сиз азизларни, сизларнинг тимсолнингизда: табаррук отадаримиз ва мунис оналаримизни, муҳтарам опа-сингилларимиз, ака-укаларимизни, ҳаётга катта умид билан кириб келаётган ёшларимизни, баҳордай очилиб бораётган сулув қизларимизни, ёруғ оламга ҳайрат кўзи билан боқиб турган жажжи набираларимизни — бутун Ўзбекистон халқини Наврўз шодиёнаси билан чин қалбимдан муборакбод этаман.

Бизнинг бугунги қувончимизга шерик бўлаётган ҳурматли меҳмонларимиз — хоржий давлатларнинг элчиларини, халқаро ташкилотлар вакилларини, уларнинг рафиқалари ва оила аъзоларини, байрам томошаларини дунёга намойиш этаётган чет эл ахборот воситаларининг ходимларини халқимиз номидан кутлаб, "Наврўзимизга хуш келибсиз!" деб айтишга ижозат бергайсиз.

Қадрли дўстлар! Дунёда турли байрам ва айёмлар, тарихий саналар кўп. Уларнинг барчаси маъно-маъмуни ва моҳиятига қараб ўз ўрни ва аҳамиятига эга. Лекин, ҳеч шубҳа йўқки, ер юзиде энг қадимий, шу билан бирга, энг навқирон айём бўлган Наврўз нафақат бизнинг минтақамизда, балки бутун Шарқ оламида катта шодиёна билан нишонланганидан гўзал байрамдир.

Бу ёруғ оламда чархи даврон айланар экан, табнатда тўрт фасл такрор ва такрор алмашиб келаверади. Ҳар бир фаслнинг ўзига хос зийнати, ўз фазилати бор. Аммо уларнинг ичида баҳор, Наврўз фаслининг шуқуҳи, файзу таровати ўзгача.

Бу дилбар фаслда борлиқнинг уйғониши, жамик тирки жоннинг ҳаракатга кириши билан одамнинг юрагига ҳам янги-янги орзу ва интилишлар, шодлик ва қувонч, сева ва ҳаётга муҳаббат ҳислари уйғонади.

Табиатнинг ўзи бамисоли она каби бағрини очиб, ўз фарзандлари бўлиши инсонларга меҳр улашади, барчани эзгулик ва яхшиликка чорлайди. Баҳорнинг келиши одам зотида Аллоҳ берган умрининг кўп-кўп сирларини аниқлаш, ўз бахтини ўз қўли билан қуриш, ҳаёт ва табиатнинг нафосати ва неъматларидан баҳра олиш учун дунёга келганини яна ва яна бир бор эслатади, бу ҳақиқатни беихтиёр ҳаёлимизга солади. Шу маънода, ёрдамга муҳтож бўлганларга муруват кўрсатиш, ҳамдард бўлиш, бева-бечора ва етим-есирларнинг пешонасини силлаш каби олижаноб фазилатларнинг ҳаётимиздаги таъсирини янада кучайтириш, бутун қийинчилик ва етиш-

мовчиликларни бошдан кечириётган ҳеч бир одамни эғиборсиз қолдирмаслик — барча-барчамиз, аввало, катта-кичик раҳбар ва мансабдорлар учун ҳам қарз, ҳам фарз эканини унутмаслигимиз айни муқдло бўлув эди.

Лунда қилиб айтганда, юртимизда ҳар қайси инсон, ҳар қайси оила ҳар қандай мураккаб вазиятда ҳам ёлғиз бўлиб қолмаслиги, унинг оғирини енгил қилишда давлатимиз ва жамиятимиз бундан буён ҳам маддакор бўлиши шарт. Азиз дўстлар, биродарлар! Юртимизга Наврўзи олам кириб келишини очиб қалбимиз, пок орзу-умидлар билан кутлар эканмиз, биз бугунги но-тинч дунёда буюк мақсадларимиз сари олиб борадиган йўлимизда кўп-кўп мураккаб муаммолар, синов ва қийинчиликлар дуч келиши мумкинлигини ҳеч қачон унутмаслигимиз лозим.

Айниқса, бугун узоқ ва яқин атрофимизда содир бўлаётган ҳавфли воқеаларни сезгирлик ва ҳушёрлик билан кузатишимиз, халқаро терроризм ва унинг ҳар қандай кўринишларига, оммавий қирғин қуролиларини ишлатишга тайёр бўлган қабих ниятларга қарши сертаклик билан муносабатда бўлишимиз зарур.

Жаҳондаги ҳозирги вазият барчамиздан оғоҳ бўлишни, кечати Афғонистон можаросини ечишда ким қандай сиёсат олиб боргани, қимларнинг, қандай буюк давлатларнинг ҳаракатлари ҳақиқатда юртимизнинг хавфсизлигини таъминлашга, жанубий сарҳадларимиз остонасидан ёвуз кучларни олиб ташлашга ҳал қилувчи ҳисса қўшгани ҳақида тўғри хулоса чиқаришни бугун ҳар биримиздан ҳаётнинг ўзи тақозо этмоқда.


Мана шундай ҳолатларда ташқи ва ички сиёсатимизни тўғри ва оқилона олиб бориш нафақат бугунги манфаатларимизни, балки Ўзбекистонимизнинг эртанги кунини, узоқ эзгу мақсадларимизни кўзлаб йўл танилашимизни талаб қилади. Ва бу борда, аввало, ўзимизнинг куч ва салоҳиятимизга, қўшни давлат ва халқларнинг бирдамлигига, стратегик шерикларимиз билан бирга, уларнинг қудрати ва кўмагида суянган ҳолда келажагимизни кўрмоғимиз даркор.

Хурматли юртдошлар! Буюк шоиримиз Алишер Навоий таъбири билан айтганда, Наврўз фаслида дехқон ер ҳайдаб, уруғ сочлади ва шу тариқа эл-юрт учун ризқ-насиба йўлини очди. Азиз дўстлар, биродарлар, келинг, бугун — янги масеум арафасида эл-юртимизни боқадиган дехқонларимизга, барча меҳнатчиларимизга дилимиздаги самимий тиллақларимизни изҳор этайлик: ҳаминша бахт ва омаднингизни берсин, ҳосилингиз мўл бўлиб, хирмонингиз тўлсин, кўнглиларингиз тўқ бўлсин.

Ҳар бирингизнинг касб-корингизга, рўзгорингизга, умрингизга барака ито этсин. Мана шундай хурсандчилик билан бошланаётган янги йилимиз юртимизга тинчлик, бахту саодат, ободлик ва фаровонлик олиб келсин.

Хонадонларимиздан кут-барака аримасин. Қарияларимизнинг умрлари узоқ, эзгу дуолари ижобат бўлсин. Фарзандларимизнинг камолдини, иқболлини берсин. Наврўз байрами барчамизга муборак бўлсин!

Кўклам офтобининг заррин нурларидан баҳра олиб, ям-яшил майсалар, ранг-баранг гул-чечаклар билан безанган она-заминимизга эзгулик ва бунёдкорлик айёми — Наврўз кириб келди. Шу ёруғ кунларда баҳорнинг илоҳий нафасидан табиат уйғониб, олам яшариб, борлиқ янгиланиши мисолида теварак-атрофимизда Наврўз руҳи, айниқса, тугал намоён бўлмоқда.



Наврўзи оламнинг беқиёс файзу тароватига монанд она Ўзбекистон гул ва кўркамлик тимсолидаги ўзгача кўрку фусунга бурканди, Ватанимиз жаннатмонанд гўшага айланди.

Наврўз — янги кун, демакдир. Наврўз — азал-азалдан ажодларимиз йилбоши деб қадрлаб, асрлар давомида эъзоз билан нишонлаган, халқимизнинг онгу шуурига, руҳиятига, бутун ҳаётига беқиёс таъсир ўтказиб келаётган ўзига хос, кутлуг ва хосиятли айём.

Ушбу энг қадимий, гоят ардоқли байрамимиз бизнинг дорилмомон замонда тобора янги руҳ ва янги маъмул касб этиб бормоқда.

Бободоҳқон яхши ғият билан ерга яна уруғ қадлашга киришди. Кут-барака элчиси — Наврўз шукухидан барчанинг чехрасида яшариш, янгилишни, бунёдкорлик кайфияти барқ уради. Дош-қозонларда сумалак, ҳалим қайнайди, кўклам таомларининг исидимоқни қитқилайди.

Шаҳар ва қишлоқларда, бепоен дашту далалар ва қир-адирлар бағрида, чаманзорга айланган боғ-роғлару гўзал хиёбонларда, бутун юртимизда яшаётган ватандошларимиз миллати, тили ва динидан қатъи назар, бирдек аҳил ва ҳамжихат бўлиб, Наврўзни баҳор ва хурсандчилик байрами сифатида нишонлаётди.

Мустақиллик йиллари мамлакатимизда энг улуг ва энг азиз айёмлар, жумладан, Наврўз шодиёналарининг азим пойтахтимизнинг сўлим масканларидаги улкан театрлаштирилган томошалар билан бошланиши хайрли анъанага айланган.

Наврўз шодиёналари муносабати билан Тошкентдаги "Ўзбекистон" спорт мажмуининг барча катта-кичик иншоотлари, саҳни, боғ-боғчасио йўл-йўлакларини байрамона безатилган. Мажмуининг улкан зали маланият ва саныат аҳли билан гавжум. Ҳофизлар, раққослар, дорбозлар, полвонлар, цирк артистлари, хунарманду усталар, чеварлар ўз маҳоратини намойиш этишга шай.

Бу ерга Қорақалпоғистон Республикаси, вилоятлар ва Тошкент шаҳри жамоатчилиги, дипломатик корпус ва халқаро ташкилотлар вакиллари ташриф бурюрган.

Соат 10.00. Залга Ўзбекистон Республикаси Президенти Ислам Каримов кириб келади. Мамлакатимиз раҳбарини байрам аҳли қарсақлар билан кутиб олади.

Байрам тантаналаридан дарақ берувчи чорлов мусиқаси янграйди.

Сўз Ўзбекистон Республикаси Президенти Ислам Каримовга берилади.

Давлатимиз раҳбари мамлакатимиз халқини, меҳмонларини умрбоқий, файзли ва шуқудли айём — Наврўзи олам билан муборакбод этади.

Саҳна узра Наврўздан дарақ бериб майин наво таралади. Сарин куй оғушида кўз ўнгимизда

кўкламнинг ажиб манзаралари намоён бўлади, турфа гуллар юз очади, булбуллар хониш қилади. Фасли баҳор ғамзалари, қушлар чугур-чугури, сувлар жилдираши билан табиатнинг уйғониш палласини мадҳ этувчи жонбахш мусиқий оҳанглар уйғунлашиб кетади.

Жарчилар элу юртни Наврўз сайлига чорлайди...

Наврўз — бунёдкорлик фасли. Юртимизда Наврўздан Наврўзгача, яъни йил давомида кенг қўламли бунёдкорлик ишлари амалга оширилди. Утган йили мамлакатимизда 56 та ишлаб чиқариш объекти ишга туширилган бўлса, улардан 15 таси йирик корхона ва иншоотлардир. Бир-биридан ҳашаматли коллежу лицейлар, турар-жойлар, спорт иншоотлари, улкан кўприклар, равон йўللар қурилди, боғу роғлар, хиёбонлар барпо этилди.

Шундай бунёдкорлик салоҳияти дарёдек жўш урган халққа, албатта, байрам ярашади! Ватанимиз барча жабҳаларда эришаётган оламшумул зафарларни эса қанча тараннум этсак арийдил!


Саҳнага миллатимиз давомчилари, келажагимиз эгалари — болакайлар кириб келади. Кичкинтойлар ўзларининг шўх-хандон кўшиқ-рақслари билан болалик оламининг гўзал ва бахтиёр онларини мадҳ этади. Бу бежиз эмас, албатта. Зеро, соғлом авлод ораси — ажодларимиздан бизга ўриб келаётган, қон-қони-

мизга сингиб кетган муқаддас интилиш, муътабар орзудир. Фарзандлари соғлом юрт қудратли бўлур, қудратли юртининг фарзандлари соғлом бўлур. Давлатимиз раҳбарининг ана шу гоёсини ҳаётга татбиқ этиш йўлида утган даврда соғлом авлод тарбияси энг устувор вазифа деб белгиланди ва давлат сиёсати даражасига кўтарилди. Барча саъй-ҳаракатларимиз соғлом наслини, нафақат жисмонан бақувват, шу билан бирга, руҳи, фикри соғлом, имон-этиқоли бутун, билимли, маънавияти юксак, мард ва жасур, ватанпарвар авлодларни тарбиялаб вояга етказишга қаратилган.

Жисми жонимизни орзиқтириб таралаётган ҳаётбахш мумтоз наволар муътабар зотлар — миннатдор ажодларимизнинг миллат иқболи, авлодлар шижоати, ижоди ва бунёдкорлиги шарафига ёдидираётган олқишларига, байрам муборакбодига менгзайди гўё.

Ҳа, мустақиллик йилларида Юртбошимиз ташаббуси ва раҳнамоллигида улуг ажодларимизнинг табаррук номларини тиклаш ва абадийлаштириш, буюк алломаларимизнинг таваллуд саналарини дунё миқёсида нишонлаш, уларнинг мустаҳаббид замонда оёқости бўлиб қолган мангу масканларини чинакам зиёратгоҳларга айлантириш борасида беқиёс ишлар амалга оширилятир.

Давоми 2-бетда.



Хазораспнинг чеварлари қувонди

Наврўз байрами арафасида нафақат Хоразм вилоятининг бутунги иқтисодий салоҳиятини оширадиган, балки яқин келажақда кўпгина ижтимоий дастурларнинг бажарилишига таъсир қиладиган воқеа рўй берди. Бу ерда хоржий ҳамкорлар билан яна бир қўшма корхона — Хазорасп туманидаги "Унико" масъулияти чекланган жамият фойдаланишига топширилди.

Корхона лойиҳа қувватига етиб ишлаб бошлагач, ҳар йили маҳаллий пахта толасидан ташқи бозорда рақобатбардош 3,5 минг тонна ип ишлаб чиқаради. Ҳозирдаёқ бу ердаги замонавий ускуналарда 200 нафардан ортиқ йигит ва қиз меҳнат қилмоқда.

Корхонада жорий йил охиригача қарий 2 минг тонна маҳсулот ишлаб чиқариш режалаштирилган, унинг камида 80 фоизи экспортга жўнатилади ва бундан 2 миллион АҚШ доллари миқдорда даромад олинади. Бу эса республика ва маҳаллий бюджетга анча маблағ тушади демакдир.

Т. ШАМАКОВ,
Уза муҳбири.

ААЛО, СИЗНИ «ЎЗКОММУНХИЗМАТ» АГЕНТАИГИ БОШ ДИРЕКТОРИ ЭШИТАДИ!

БЕВОСИТ МУЛОКОТ

- Уй-жой мулкдорлари ширкатларининг фаолиятидаги камчилик ва ютуқлар, уларнинг фаолияти самарадорлигини ошириш юзасидан яна қандай меъдрий-ҳуқуқий хужжатлар зарур?
- Республикаимизда қайси тоифадаги фуқароларга уй-жой фондиди сақлаш ва коммунал тўловлар бўйича имтиёзлар берилган?
- Шахсий уй-жойларга газ ўлчаш мосламаларини ўрнатиш тартиби ва жараённинг бориши билан боғлиқ масалалар.
- Хуллас, мамлакатимизда коммунал хизмат кўрсатиш соҳасида амалга ошириляётган иқтисодий ислохотлар ва бозор муносабатларининг гоят муҳим устувор йўналишлари бўйича шу йил 26 март куни соат 10.00 дан 12.00 гача Ўзбекистон "Ўзкоммунизмат" агентлиги Бош директори Уткир Очлович ХОЛМУХАМЕДОВ билан 132-25-37 ва 35-80-54 телефонлари орқали тўғридан-тўғри гаплашиш имконига эга бўласиз.

Агар саволларини олдиндан бермоқчи бўлсангиз (8-371) 132-10-65, 136-09-67 телефонларини ёки (8-371) 136-37-85 факси орқали мурожаат этишингиз мумкин. Интернетдаги манзилимиз: E-mail: xalksuzi@uzpak.uz.

НАВРЎ — УЙҒОНИШ ВА ЯНГИЛАНИШ РАМЗИ

(Давоми. Боши 1-бетда).

Кутдуг заминимизда туғилиб-воёга етган, муборак номларини бутун жаҳон аҳли катта эҳтиром билан тилга оладиган пири комил мутафаккирларимиз меросидан халқимиз, жумладан, ёшларимизнинг ҳам баҳраманд бўлишига, уларнинг мана шундай маънавий муҳитда камол топишига, бобокалонларимизнинг асарларига сингдирилган юксак инсонпарварлик фалсафаси, буюк гоёлари ёш авлод юрагидан ҳам жой олишига кенг шароит яратилмоқда. Бу йил ҳам юртимизда бир қатор буюк аждоғларимиз таваллуд кунларини муносиб нишонлашга тайёргарлик кўриляётгани бу борадаги хайрли ва савобли ишлар изчил давом этаётганидан аққол далолатидир.

Наврўз — биз учун ўзаро меҳр-оқибат, қадриқиммат, хайру саховат рамзидир. Ана шундай ёруғ кунлар кишини ўз яқинлари, маҳалла-қўй, қўй-қўшни, элу юрт билан баҳамжихат, меҳр-оқибатли бўлиб яшашга даъват этиши билан ҳам беҳад қадридлир.

Конимехда янги завод

Наврўз байрами арафасида Конимех тумани марказида Хитойнинг «Ван Фен» фирмаси технологияси асосида полипропилен халталар ишлаб чиқарадиган завод ишга тушди.

«Матлубот савдо» ҳиссасдорлик жамияти раиси Муродхон Эгамқуловнинг айтишича, заводда йилга 12 миллион дона турли сифматдаги халталар тайёрланади. У «Навоийазот», «Қизилқуммента», «Навоийдонмахсулотлари» каби йирик корхоналар эҳтиёжини тўлиқ қондира олади.

А.ПИРМАТОВ, «Халқ сўзи» мухбири.

Байрам лавҳалари

Баҳорни янгилаш, уйғониш фасли, деймиз. Дарҳақиқат шундай. Фасллар келинчаги юртимизга нафақат мусофолликни, шодлик сурурни, бири-бирдан улуг айёмларни олиб келади. Бундай байрамлардан энг олдида эса Наврўзи олам туради. Зеро, у халқимизнинг минг-минг йиллардан буён интизорлик ила қарши оладиган кутлуғ тантинасиридир. Наврўзи олам ўз номи билан янги ифори, тароватни бошлаб келади. Бу тантанада бошқа байрамлардан фарқли ўлароқ, кишиларда меҳр-оқибат, самимийлик хислатлари ўзгача намоён бўлади. Бундай дамларда аразлашганлар ярашади, низоли диллар гина-кудуратни унутади, етим-есирлар ҳолидан, беморлар аҳолидан огоҳ бўлинади. Наврўз таомлари бўлмиш сумала-гу ҳалим, кўк сомсаю-патирлар пиширилиб, бошқаларга ҳам улашилади.

Мана бу йил ҳам юртимизда байрам тантаналарига ўзгача тайёргарлик кўрилди. Нафақат пойтахтимизда, балки вилоят ва туман марказларида ҳам айни пайтда Наврўз шодиёналари давом этмоқда. Қўни кеча бошланган ушбу айёмнинг нафаси, ифори ҳали-бери кўнгилларимизни тарқ этмаслиги аниқ. Шарқ халқлари учун аслида янги йил саналувчи ушбу айёмни йил бўйи интиқлик билан кутамиз. У кеча далаларда ризқ-рузининг куртаклари барқ уради, дарахтлар кўкариб, чор-атроф гузалликка бурканади. Бободехқон яхши ниятлар ила ерта уруғ қалайди.

Бу байрам ўзга айёмлардан фарқ қилган ҳолда ҳафталаб, оялаб давом этади. Байрамнинг асосий тадбирлари пойтахтимиздаги «Ўзбекистон» спорт мажмуи атрофида бошланди. Баҳор айёмини, Янги кунни ифодаловчи паннолар, турли лефта ва гуллар пойтахт кўрқига кўрк қўшган. Хар ёнда Наврўз таомлари-сумалак ва ҳалимлар қайнамоқда. Кўк сомсаларнинг димоғни қўтиқловчи ҳиди чор-атрофини тутган. Нафосат байрамини шу ерда кутиб олишга келган кишилар юзида табасеум.

Обод маҳалла йили муносабати билан бу янглиғ юксак фазилатларни мукаммал эгаллаш баробарида, кам таъминланган оилалар, меҳнат фахрийлари ҳолидан хабар олиш, уларга моддий ёрдам бериш, шунингдек, етим-есир, бева-бечоралар, муҳтож кишиларга меҳрибонлик, саховат ва муруват кўрсатиш янада муҳим аҳамият касб этмоқда.

Мана шундай шуқуҳли дамларда ҳар бир инсон табиатдан баҳра олишга интилади. Ўз навбатида, Наврўз кунларида юртни ободонлаштириш ва кўкаламзорлаштиришга бел боғлаш каби барҳаёт қадриятлар халқимиз томонидан асрлар оша эъзозлаб келинаётган.

Биргина мисол. Вазирлар Маҳкамасининг аҳоли яшаш жойларини ободонлаштиришга доир кўкламга ишларни ташкил этиш ва Наврўзи умумхалқ байрамни нишонлашга тайёргарлик кўришга қаратилган Фармойишига мувофиқ 15 март кун юртимиз бўйлаб ўтказилган хайрия ҳаширида 10 миллиондан ортиқ ҳамюртимиз иштирок этди. Шу кун 321 минг гектардан кўпроқ майдон ободон-

лаштирилди. Минглаб туп манзарали, мевали дарахт ва гул қўчатлари ўтказилди. Ариқ, зовур ва бошқа сув йўллари тозаланди.

Байрам бадий дастурларида халқимизнинг бундай эзгу анъаналари, ватандошларимизга хос ва мос гўзал фазилатлар, маҳаллалардаги ободончилик ва тинчлик-тотувлик, миллий урф-одатлар ва қадриятлар юксак пардаларда тараннум этилди.

Улкан мониторда Истиқлол йилларида мамлакатимизнинг барча худудларида амалга оширилган кенг қўламли яратувчилик ишлари, шаҳар ва қишлоқларимизнинг обод манзаралари ёрқин лавҳаларда намоён бўлади. Бутун юртимизнинг мафтункор, гўзал табиати, долазори гулзорлари жамолидан кўзлар қувонади. Қорақал-

поғистон Республикаси ва вилоятлардан келган бадий жамоалар бири-кетин ўз санъатларини, ҳар бир худуднинг ўзига хос халқ уйинларини, қўшиқ ва рақсларини намоиш этадилар.

Бахшилар айтишувлари, аскиячилар пайрови, дорбозлар, масхарабозлар, кўғирчоқбозлар, полвонлар санъати ва спорт мусобақалари уйғунлашган улкан театр томошаларида миллий қадриятларимиз, қадимий удумларимиз янада жозибалироқ, янада тيرانроқ мазмун ва моҳият касб этади. Азалий анъана ва урф-одатларимиз Наврўз билан нечоғли чамбарчас эканлиги бадий лавҳаларда яна бир бор кўз-кўз этилади.

Айтиш жоизки, ана шу саҳна кўринишлари тимсолида маданий ҳаётимиз-

даги муҳим воқеалар — «Шарқ тароналари», «Бойсун баҳори» халқаро фестиваллари каби тадбирларни ташкил этишга қаратилган эътибор ўз ифодасини топган.

Миллий эстрадамиз юлдузларининг чиқишлари байрам тантаналарига янада кўтаринкилик баҳа этади. Эстрада жанрида ижод қилаётган санъат усталари қатори истеъодли ёш ижрочилар, Республика қўшиқ байрами кўрик-танловлари ғолибларининг, «Нихол» мукофоти совриндорларининг мумтоз санъатимиз оҳанглирига уйғунлашган замонавий куй-қўшиқларида аждоғларимизнинг барҳаёт мусиқа мероси ва қўшиқчилиги анъаналарига салоқати намоён бўлади. Ватан меҳри, баҳор, бахт, ҳаёт васфи, ёшлик ва муҳаббат

туйғулари тараннум этилган жозибали оҳанглар мухлисларни мафтун ва масрур этади.

Кўклам навалари мамлакатимизда истиқомат қилаётган турли миллатлар миллий маданият марказларининг байрам дастурларида янада тيرانроқ мазмун-моҳият касб этади. Зеро, Наврўз дўстлик ва ҳамжиҳатликнинг ҳам ўзига хос шодиёнасиридир...

Наврўз — юртимиз тинчлиги, халқимиз фаровонлиги тисмоли. Шу маънода, ушбу айём дунёнинг ўнлаб давлатларидаги Ўзбекистон элчихоналари, ваколатхоналарида ҳам кенг нишонланмоқда. Байрамга ташриф бурган юзлаб хоржилик меҳмонлар Наврўз таомларидан баҳраманд бўлиб, халқимизга хос миллий урф-одатлар билан танишаётган.

Байрам томошаларидан кейин Президент Ислам Каримов журналистлар билан мулоқотда бўлди.

— Халқимизнинг энг ноёб қадриятлари, эзгу урф-одатлари каби топталган, қатағонга учраган Наврўзни ҳам бугун Мустақиллик кунини ҳам ўн иккинчи бор нишонлаб турибмиз, — деди Юрбошимиз. — Бу байрамнинг ўзига хос жиҳатларидан бири шундаки, Наврўзда жамики тирик жон уйғонади, янги ҳаёт сари интилади. Ишонманки, мустақиллик ҳаётимиздан торабора мустақкам ўрин эгаллаётгани каби Наврўз ҳам йилдан-йилга ўзининг янги-янги қирраларини намоён эта боради.

Ислам Каримов ёшларнинг давлат ва жамият қурилиши борасида тутган ўрни ҳақида сўзлар экан, «ёшлар — бизнинг келажгимиз» деган даъватнинг замирида жуда тيران маъно-мазмун мужассам эканини таъкидлади.

— Кўп ҳолларда бизга янгилашга, мустақил фикрлашга, масъулиятни зиммага олишга, янги ҳаёт учун фидойилик кўрсатиб меҳнат қилишга халақит бераётган нарсаси — бу, эски замон асоратларидир, —


деди давлатимиз раҳбари. — Ана шу эскилик сарқитларига барҳам берилган, янгилаш дунёқарашга эга, фаол ва фидойи ёшлар ҳаётга тезроқ кириб келмоғи лозим.

Албатта, масъулиятли жойларда фаолият кўрсатар экан, дастлабки даврда ёш мутахассисларнинг тажрибасизлигидан муайян қийинчиликларга дуч келиши, табиий. Аммо фарзандларимиз ҳозирда-ноқ ишла, амалда тажриба орттириб бормаса, кейин қачон, қаердан ўрганади? Шундай экан, янги авлод ҳаётда тезроқ ўз ўрнини эгаллаши, масъулиятни дадил ўз зиммасига олмоғи керак.

Тошкентдаги Наврўз шодиёналари сунъий йўлдош воситасида дунёнинг кўплаб мамлакатлари телеканаллари орқали намоиш этилди.

Пойтахтимизда бошланган байрам тантаналари юртимиз шаҳар ва қишлоқларида давом этмоқда.

Фулор МИРЗО, Ўза шарҳловчиси. СУРАТЛАРДА: тантанавий лавҳалар. Абдувоҳид Тўраев ва Муҳаммад АМИН олган суратлар.



Машғулот музейда ўтказилмоқда

Азал-азалдан музейлар ўтмиш билан бугунни богловчи кўприк бўлиб келган. ЎзМУ профессори Маҳмудхон Нурматов яқинда хайрли ташаббус билан чиқди. Хукуматимиз олиб бораётган гоёлар билан йўғрилган «Маънавият асослари» фани дарслари музейларида ўтказиладиган бўлди. Бу ерда талабалар нафақат сабоқ олади, балки Теурийлар тарихи Давлат музейи, Алишер Навоий номидаги Давлат адабиёт музейи ва Қатағон қурбонлари хотираси музейидан ўрин олган ҳар бир экспонат билан танишади.

Солиҳа АЛЛАЁРОВА, ЎзМУ талабаси.

ҲАЁТ ЯНГЛИГ ШИРИН, УМР КАБИ ЛАЗИЗ

шавққа тўлади. Айниқса, кўпқари, кураш мусобақалари авж олади бундай кезларда. Хўроз чўқиниришу, кўчкор уриштиришларни гапириб ўтирмай. Хуллас, Наврўз ана шундай хушу хисандчилик тантанасидир. Лекин шундай бўлса-да, оилам билан Тошкентдаги айёмни томоша қилишга келиш ва бир олам таассуротлар оғушида уйга қайтмоқдамиз...

Биз, шунингдек, Сайилгоҳ кўчасида байрам кайфиятида юрган бир қанча ҳамшаҳарлар ва меҳмонлар билан мулоқотда бўлдим. Уларнинг барчаси шодон, хушчақчақ. Кўнанинг икки томонидан жой олган карнай-сурнайлар эл-улусни уйин-кудугга чорлайди. Одамлар сафига одамлар келиб қўшилмоқда. Энг муҳими, шаҳарнинг мана-ман деган пазандалари-ю, қандолатчилари мана шу ерда, мана шу айём чоғида маҳоратларини ишга солиб, одамларни дастурхонга тақлиф этмоқдалар.

Юртимизнинг ҳамма гўшаларида бўлгани каби пойтахтимиздаги Мир-

зо Улугбек номидаги болда ҳам байрам тантаналари авж олади. Бир томонда азиз болажонларимиз кўнгулчор уйинлар билан банд. Хонанда-ю раққосалар, қизқичи-ю аскиячилар, масхарабоз дорбозлар санъат ишқибозлари хизматда.

— Пойтахтимизнинг ўзгариб кетганини эшитиб юрардим-у, бунчалик гўзаллашиб кетганини билмаганим, — дейди биз билан суҳбатда Наманган ви-

лояти Мингбулоқ туманидан байрамга келган Абдуқадир Раҳимов. — Осмонлар бинолар, замонавий кўприклар, бири-бирдан гўзал фавворалар, чиройда беллашаётган боллар хибонлар, кенг ва шиша кўчалар... Ўзим тўрт йил Тошкентнинг нонини еганман — Низомий номидаги университетда ўқиганман. Уқиган илм даргоҳим, турган жойимни тополмасдан анча овора бўлдим. Барака топиш-

син-э! Энди мана бу байрамларни қаран! Обод, озоод юртва узукка кўз қўйгандай ярашиб турибди. Бунчалигини билганимда оиламни, ошналаримни бошлаб келардим: «Кўринлар, фахрлангилар, мана қилинлар!» дердим. Мана шундай бунёдкорлик ишларининг бошида турганлар омон бўлишини. Юртимизнинг ҳар кунини яшаш, яшариш — Наврўз бўлсин!

Амур Теуыр хибониди ёши етмишларга борган, юзида нур, лабида табасеум уялаб турган отахон диққатимизни торти.

— Айёмларингиз муборак бўлсин, отахон! — Раҳмат. Ўзларингиз ҳам Наврўз қуллуқ бўлсин! Наврўзини кўраин деб атай Фарғонанинг Бағдолодан келдим. Отим — Олимжон. Фамилиям Усмонов. Сизлардай мухбирлар билан гаплашганда отини айтиб қўйиш керак-да, тўғрими? — отахон кулмисиради.

— Тўғри, — дедик у кишининг самимийлигидан хурсанд бўлиб. —



Рашид ГАЛИЕВ олган сурат.

Кўрдингизми Наврўзни? — сўрадик сўнг.

— Қаёқда! — отахон давом этди. — Жамики болларимизда, майдонларимизда, хибонларимизда, боринг-ки, ҳамма жойда байрам. Қайси бирини кўраман? Илгари телевизорда кўрардим, э, асли бошқача бўларкан. «Ўзбекистондаги байрамни кўрдим...»

— Ўзбекистон миллий боғидаги...

— Ҳа, ўша ердаги. Жуда бошлашди. Бутун бошли тарихимизни, алломаларимизни, урфу одатларимизни — қанчалик улуг халқ эканлигимизни тарихга ёздиган қилиб кўрсатиб қўйишди. Барака топишсин.

— Энди йўл бўлсин, отахон!

— Мустақиллик майдонига кетяпман, у ердаги байрамни ҳам кўраин.

— Оқ йўл берсин, отахон, байрамлар яхши ўтин.

— Шошманглар! — суҳбатдошимиз ортта қайтди. — Ҳозир мен айтан гапларни газеталарингизда ёзасизларми?

— Езамиз.

— Унда битта тақлифим бор эди, — отахон соқолини силади. — Билмадим, сизларга маълуқ бўлармикан? Ҳали айтдим-у, тарихий байрам бўпти, деб. Аммо одам ҳаммасини кўргани улғиролмас экан. Бирин-бирин, режа билан намоиш этишса, айланиб юриб кўрадик. Ҳаммасидан ҳаммамиз баҳраманд бўлардик. Бум бир тақлифда эди. Майли байрамларнинг байрамларга уланаверсин! Шодлик, қувонч, уйин-кули билан бошланган Наврўзимиз юртимизга тўқин-сочинлик олиб келисин!

— Ҳар йили баҳор келиши билан шу улуг наврўзимизни элимизда қандай ўтказишни уйлаб бошлайман, — дейди Чироқчи туманидаги «Хитойсой» фермер хўжалиғи раҳбари Тирқаш Сафаров. — Бу кунда каттаю-кичик, ёшланг борки, ташвишлар-

дан холи бўлиб уйғонаётган табиатга ҳамоҳанг хурсандчилик, уйин-кули қилгиси келади. Тинч-осойишта юртга шодиёналар ярашади. Катта айёмда бутун қишлоғимиз аҳли кенг далага тўпланиб момолари сумалак қайнатаётганини, дастёрлари ош дамба, йигитлари курашга тушаётганини, қиз-жувонлар ларлар айтишаётганини кўрганимда кўйлагимга сиймай кетаман. Йилбошини шундай кутган элу-юртагина, худойим, ризқ беради, барака беради.

— Аввалги айёмлардан бу йилги Наврўзининг биз учун фарқи, бор. Чунки маҳалламизга табиий газ келди. Бу — элга қувват дегани, ризқ дегани. Енг шимариб ишлайман деган кишига эса иш дегани. Ишқи, ҳовлимизда биз иссеққона қилдик. Қиш чилласидан бошлаб шу муъжазгина жойдан бозорга помидор чиқардик, қўқат чиқардик. Бунинг ҳаммаси яхши яшайлик деб интилаётганимиздан. Демак, келгуси айёмларимиз бунданла файзли бўлажак.

Бу Зангиота тумани Уртаовул кўрғониди яшовчи пенсионер Асҳужо Иноғомовнинг сўзлари, алқовлари. Ўз ишларидан, ишидан манмун отахон яна сўзида давом этади:

— Ҳа, тинчлик барқарор бўлган юртда, фаровонлик ҳукм сураётган элда мана шундай байрамларнинг ҳар қанча кўтаринкилик билан ўтказасак арзигай. Кириб келган Янги йил янада файзу баракотни, тўқин-сочинликни олиб келишига ишонамиз. Демак, чарогон кўнларимиз давом этади, ёруғ дамларимиз бардавом бўлади. Президентимиз раҳнамолигида буюк келажакни куриш ва кўриш ҳаммамизга насаб этади.

Мақсуд ЖОНИХОНОВ, Саид АНВАР, Худойберди ЭШМОнов, «Халқ сўзи» мухбирлари.

ФАРҒОНА ВИЛОЯТИ ЎЗБЕКИСТОН ТУМАНИ

«УМИД»

ФЕРМЕР ХЎЖАЛИГИ



«УМИД – Н.И.»

ХУСУСИЙ БОЛАЛАР СПОРТ КЛУБИ

**Барча юртдошларимизни
ёшариш фасли – Наврўзи олам
билан самимий муборакбод
этади!**

**Келажак орзуси ила
яшаётган Сиз азизларга
хушқайфият тилайди.**



Мустақиллик меваси бўлмиш «Умид» фермер хўжалиги бевосита вилоят ва туман ҳокимликлари, Ўзбекистон Республикаси Деҳқон фермер хўжаликлари уюшмаси, Товар ишлаб чиқарувчилар ва тадбиркорлар палатасининг кўллаб-қувватлаши, «Пахтабанк» кўмаги туфайли хусусий мулкимиз бўлган «Кичик сут заводи»да хорижнинг замонавий технологияси асосида қадокланиб, ишлаб чиқарилаётган қулупнайли, бананли, ўрикли ва ананасли йогуртларни, қаймоқ, сметана, сариеғ, сут, қатик, бринза, творог ҳамда «Умид» пишлоғини сиз азизларга таклиф этади.



Шунингдек, қандолатчилик, макарон маҳсулотлари, музқаймоқ ва далаларимизда етиштирилган турли хилдаги деҳқончилик, чорвачилик маҳсулотларидан баҳраманд бўлишингизни сўрайди.

*«Умид» фермер хўжалиги ҳамда
«Умид – Н.И.» хусусий болалар
спорт клуби*

*Ўзбекистонимиз деҳқон-фермерларини,
тадбиркорларини ҳуқуқимиз
кўрсатаётган бир яхшиликка минг
яхшилик билан жавоб
қайтарिशга торлайди!*



Навбахор туҳфаси



Наврўзи уйғониш фасли дейишади. Тўпла-тўғри. Гуллар, қўшлар, ҳайвонлар уйғонади. Муҳаббат базмлари, изҳорлари бошланади. Бизда кўпроқ йиғилар изҳоридил қилишади, қизлар уни хоҳлаша қабул қилишади, хоҳлашмас яўқ. Йиғит дангал бўлса, «Палон-чихон, мен сизни севиб қолдим, рози бўлсангиз турмуш курсак», деб гапнинг бўлишини айтиб кўя қолади. Сал муж-малроқ бўлса, қизни учрашуга чақириб олади-да, ярим соат халқаро, бир соат оилави аҳволдан гапириб бўлуси жуфтнинг қулоқ-миясини еб ташлайди. Уятчанг бўлса-чи? Кўкрагини ерга бериб олиб, яқин олти қулоқ хат ёзади ва

Муҳаббат изҳорлари

(Муҳиддин қизиқнинг Наврўз хангомаларидан)

уқасидан бериб юборари.

Бу ёшларнинг севгиси-ю, муҳаббат изҳорлари.

Энди табаррук отахонларимиз билан момоларимиз муҳаббатларини қандай изҳор қилишади, ҳеч ўйлаб кўрганмизми? Учрашуга таклиф қилиб, оппоқ соқолларини сел-килатиб гул кўтариб юришса бўлмайди. Хат ёзиб бериб юборай деса уқаси ҳам олти-миша кирган чол. Улар «товарайирбошан экан, анграйиб ўз севтиларини ошкор қилишар экан. Рости.

Еш боламан. Мана шунақа авжи Наврўз. Кампири ўлгандан кейин Раззоқ бува эшити олдидаги супадада ўтиришни одат қилиб олди. Бир куни ўйнаб юрсам чақириб қолдилар.

Дарवेशалининг ўлими-сан? Катта йиғит бўлиб қолиб-сан-ку. — деди бува елкамга қўқиб. Сўнг атрофга бир аланглаб олиб давом этдилар. — Ҳов, паст маҳалладаги Лоҳила хо-лангининг уйини биласанми?

— Ҳалиги, қурт сотадиганми? — сўрадим секин.

— Ҳа-а, баракалла! — бува хурсанд бўлиб уйига етаклади. Чўнтақларини ёнғоққа тўлдирди. Сўнг қўлимга халта тўтқади. — Шунини холангга бериб келсан. Олдида ҳеч ким бўлмаса мен бериб юборганимни айтсан, хўпми?

Халтани кўтариб Лоҳила хо-ланкига бордим. Кўрпа қавиб ўтиришган экан, анграйиб менга қарадилар.

— Ҳов, Раззоқ бува бор-у, хотини ўлиб қолган, ўша бериб юборди, — деб унга ту-шунтирган бўдим.

Холанинг юзига табассум югурди. Жилмайиб қўлимдан халтани олди.

— Шўшмай тур, болам, — деб бошимни силаб уйларига кириб кетдилар. Халтани бўшашиб, қўлида иккита сап-сарик олма билан қайтиб чиқди. Олма-ларни менга узатиб, марвартакка осылган сўзманни халтага солди. — Бувангга олиб бориб бер-

гин. Қаймоғини куйдириб қўйган экан, дегин.

Халтанинг бўш эмаслигини кўриб, Раззоқ буванинг қовоқ-лари осилиб кетди. Ер остидан савол назари билан менга қарадилар.

— Сузма, бу сузма. Холам бериб юбордилар. Қаймоқларини куйдириб қўйишган экан... — дедим шўша-пиша. — Яна-чи, бува, — қўлимдаги олмага ишора қилдим. — Холанинг олмаси ҳам бор экан.

Мақтов бувага ёқдим, қу-лимсирлади.

Раззоқ бува билан Лоҳила хола уртасидаги «ёшималар» шундан бошланди. Почтачи ўзим: буванинг «номаси» — ёнғоқни кўтариб у ёққа бора-ман, холанинг «жавоб хати» — сузма ёки қаймоқни кўтариб бу ёққа келаман. Албатта икки томон ҳам қуруқ қўймайди.

— Бувангинг ёнғоғи кўпми? — сўраб қолди Лоҳила хола навбатига «нома»ни олиб борганимда.

— Ҳа, — дедим баралла. — Иккита ёнғоғи бор. Роса катта.

Бир ҳафта ўтди ёки ўн кун Раззоқ бува жойида кўринмай қолди. Бориб секин эшикларидан мўраласам, Лоҳила хола ҳовлисида кир ювиб ўтирибди. Раззоқ бува чаман бўлиб гуллаган бодом остида, ёнбошлаб олиб чой ичипти!

— Ке, ке, келавер, — буванинг кўзи менга тушиб, ўмганини кўтарди.

Хола қўлини артиб, менга пешвоз чиқди.

— Мана, — бува қулимсираб қўли билан ишора қилди, — олмаси бор холангни олиб келиб олди.

— Ҳе, алжирамай кетинг, — хола бувага қўл силтаб, менга юзланди. — Буванинг ёнғоғи иккита дегандинг, битта экан-ку?

Нима деб жавоб беришимни билмай бувага мўлтиллаб қарадим.

У киши хо-холаб қулди ва деди:

— Битта ёнғоқни ҳам яхшилаб парвариш қилсангиз иккита ёнғоқнинг ҳосилини бераверайди, хола, дегин.

Бува ўзининг гапидан ўзи наъша қилиб узок қулди.

Мана сизга табаррук отахонларимиз ва онахонларимизнинг севтиларини-ю, муҳаббат изҳорлари.

С. АНВАР тайёрлади.

«Халқ сўзи» «Народное слово»

МУАССИСЛАР:
Ўзбекистон Республикаси Олий Мажлиси Кенгаши ва Ўзбекистон Республикаси Вазирлар Маҳкамаси

Бош муҳаррир
Аббосхон
УСМОНОВ

Тахрир хайъати:

Э. БОЛИЕВ (масъул котиб — «Халқ сўзи»),
П. ДЮГАЙ,
Ш. ЖАББОРОВ (бош муҳаррир ўринбосари — «Халқ сўзи»),
Л. КУЧЕРЕНКО,
М. МИРАЛИМОВ,
С. МУХИДДИНОВ,
Г. ПРОХОРЕНКО,
Ш. РИЗАЕВ,
А. САИДОВ (масъул котиб — «Народное слово»),
М. САФАРОВ,
И. УТБОСАРОВ,
О. ҚАЙПЕРГЕНОВ (бош муҳаррир ўринбосари — «Народное слово»),
А. ХАЙДАРОВ,
Ў. ХОШИМОВ.

БЎЛИМЛАР:

Иجتимоий-сўсий ҳаёт — 133-57-34;
133-78-92
Иқтисодиёт — 136-36-65;
132-10-65
Маънавият ва маърифат — 136-35-60;
Газетхонлар билан алоқа ва минтақалар — 133-52-55;
Фан, соғлиқни сақлаш, таълим ва туризм — 133-10-17;
Янгиликлар ва халқаро ҳаёт — 132-11-15;
132-12-08
Котибият — 133-10-28;
Эълонлар — 136-09-25.

Ўзбекистон Республикаси Давлат матбуот қўмитасида 00001-рақам билан рўйхатга олинган.
Буюртма Г — 253,
34889 нусхада босилди, ҳажми — 2 табоқ.
Офсет усулида босилган.
Қоғоз бичими А—2.

Газета тахририят компьютер базасида терилди ҳамда операторлар Ж. ТОҒАЕВ ва А. БОЛТАЕВ томонидан саҳифаланди.

Навбатчи котиб — Ю. ХАМИДОВ.
Навбатчи муҳаррир — Ф. САНАЕВ.
Навбатчи — С. ХАЙДАРОВ.
Мусаҳҳих — Ш. МАШРАББОВЕВ.

МАНЗИЛИМИЗ:
700000, ГСП,
Тошкент шаҳри,
Матбуотчилар кўчаси, 32-уй.

Тахририятда ҳажми 5 қоғоздан зиёд материаллар қабул қилинмайди.
□ — тижорат материали.

«Шарқ» нашриёт-матбаа акциядорлик компанияси.
Корхона манзили:
«Булок Турон» кўчаси, 41.

Босишга топшириш вақти — 21.00.
Топширилади — 19.50
1 2 3 4 5 6

Саёҳатга чорлашди

Берлиннинг «Мессе Берлин» кўргазмалар мажмуасида «ГТВ-2003» сайёҳлик биржаси бўлиб ўтди. Унда жаҳондаги 180 мамлакатнинг ўн мингдан зиёд фирма ва компаниялари иштирок этди.

Ушбу нуфузли анжуманда мамлакатимиз сайёҳлик салоҳияти «Ўзбектуризм» миллий компанияси, «Ориент вояж», «Сайрам туризм», «Ситора групп», «Планета тур», «Узин-тур» ва «Экспресс тур» фирмалари ҳамда «Шератон-Тошкент», «Отель-Тошкент», «Шодлик-Палас» каби меҳмонхоналар томонидан намойиш этилди.


Юртимиз вакиллари-нинг миллий услубда безатилган сайёҳлик расталари Ўзбекистоннинг тарихий обидалари, маданий мероси, диққатга сазовор жойлари, соҳанинг экологик ва тоғ сайёҳлиги каби янги йўналишлари хусусида батафсил ахборот беради.

Жаҳон сайёҳлик ташкилоти (ЖСТ) Бош котиби Франческо Франджали Ўзбекистон бўлимини томоша қилар экан, мамлакатимиз билан сайёҳлик соҳасидаги сермахсул ҳамкорлик натижаларидан мамнун эканини билдирди.

Аслам АКБАРОВ,
«Жаҳон» АА,
Берлин.

«ЖАРҚҰРҒОН» УЛГҲРЖИ ЧАКАНА МАТЛУБОТСАВДО ХИССАДОРЛИК БИРЛАШМАСИ

Жамоаси мамлакатимиз фуқароларини Наврўз айёми билан қизинг табриклайди.



Бир-бирига холис хизмат, самимий муносабат аҳилликни мустаҳкамлайди.

Наврўз руҳи эзу орзуларимизга қанот, аҳиллигимизга қувват ато этаверсин.


Юртдашларимизнинг Ватан равақини йўлидаги ишларига қамарбасталик Наврўз улашайтган хуш кайфиятларимизни янада ойдинлаштиради.

NESTLÉ UZBEKISTAN LLC

сизни баҳор ва гўзаллик байрами —

Наврўз

билан табриклайди ва сизга сихат-саломатлик, бахт тилайди.



Good Food, Good Life



Хиндистоннинг МДХдаги савдо-саноат палатаси Ўзбекистон Республикаси Товар ишлаб чиқарувчилар ва тadbиркорлар палатаси билан ҳамкорликда

2003 йил 24-26 март кунлари «Интерконтиненталь» меҳмонхонасининг Биллур залида

ХИНДИСТОННИНГ САВДО КЎРГАЗМАСИНИ ЎТҚАЗАДИ.

Кўргазма 24 март кунини соат 11.00да очилади.
Кўргазма 25-26 март кунлари соат 10.00дан 17.00гача ишлайди.

КЎРГАЗМАГА ҚЎЙИЛАТИАР НАМОЙИШ ЭТИЛАДИ:

фармацевтика ва машинасозлик саноати маҳсулотлари, заргарлик буюмлари, информацион технологиялар, халқ хунармандчилиги буюмлари, автомобиль эҳтиёт қисмлари, маиший техника ва қишлоқ хўжалиги маҳсулотлари (чай, кофе, зираворлар).

Барчани кўргазмага таклиф этамиз!

Ўзбекистон Республикаси Олий ҳужалик суди жамоаси суд амалиётини умумлаштириш бўлими бошлиғи Зокир Исмаилов ва палатани раҳматқили

РАҲМАТУЛЛА ОТАНИНГ вафоти муносабати билан чўқур таъзия изҳор этади.

«Ўзбекистон миллий энциклопедияси» Давлат илмий нашриёти жамоаси илмий муҳаррир Иброҳим Каримовга волидаси

Онабиби КАРИМОВАНИНГ вафоти муносабати билан чўқур ҳамдардик билдилари.

«Ўқитувчи» нашриёти жамоаси «Ўзбек тили, адабиёти ва педагогика» тахририятининг муҳаррири Суннатилла Хўжақўлиевга палари бузруквори

Абдулаз ҳожи ота ХУЖАҚҲМЕДОВНИНГ вафоти этганиги муносабати билан чўқур таъзия изҳор этади.

Ўзбекистон Республикаси Ташқи иқтисодий филолият миллий илмий жамоаси чакана банк кредитлари мониторингини ташкил этиш бошқармаси бошлиғи Суръат Зокировка волидан муҳтарамаси

Мавжуда ЗОКИРОВАНИНГ вафоти этганиги муносабати билан чўқур таъзия изҳор этади.

«Ўзбекэнерго» Давлат-акциядорлик компанияси ва «Ўзэлектрэнерго» шўба корхонаси жамоаси Ўзбекистон энергетика тизимининг фахрийси

Раҳматулла МҲМИНЖОНОВНИНГ вафоти этганиги муносабати билан марҳумнинг оила аъзоларига чўқур таъзия изҳор этади.